

Kukkunersiuisut naalagaaffimmit akuerisat nalunaarsorneqarsimasullu pillugit inatsisip Kalaallit Nunaannut atuutilerana pillugu peqqussut

Kukkunersiuisut naalagaaffimmit akuerisat nalunaarsorneqarsimasullu pillugit inatsit nr. 302, 30. april 2003-meersumi¹⁾ § 33, sulliviit inuussutissarsiutitut ingerlatat ukiumoortumik naatsorsuutunik saqqummiussisarnerat il.il.(ukiumoortumik naatsorsuutit pillugit inatsit) pillugu inatsisip allannguutaa pillugu inatsit nr. 245, 27. marts 2006-imeersumi ²⁾§ 5, imm. 2, naatsorsuusiornermut inatsit kiisalu kukkunersiuisut naalagaaffimmit akuerisat nalunaarsorneqarsimasullu pillugit inatsit (Ingerlatsiviit aalajangersimasut kukkunersiuisussaataitanerannik annikilliliineq aamma allaffissornikkut suliasat allat annikillilernerat) aamma eqqartuussisoqarnermut inatsisip allannguutaa aamma inatsisip assigiinngitsut allat pillugit (Politiit eqqartuussiviillu aaqqissuuteqqinneqarnerat) inatsit nr. 535, 8. juni 2006-imeersumi³⁾ § 110, imm. 3 naapertorlugit, aalajangerneqarpoq inatsisip Kalaallit Nunaannut atuutissasut, taamaalilluni kukkunersiuisut naalagaaffimmit akuerisat nalunaarsorneqarsimasullu pillugit inatsit Kalaallit Nunaannut atuutissaaq ulloq 1. august 2008-miit ima oqaasertaqarluni:

Kapitali 1

Inatsisip atuuffii

§ 1. Matumani inatsimmi ilaapput kukkunersiuisunik naalagaaffimmit akuerisanik nalunaarsorneqarsimasunillu ivertitsinerami piumasaqaatit kiisalu kukkunersiuinermut il.il. atatillugu suliasat suliarineranut atugassarititaasut, tak. imm. 2.

Imm. 2. Inatsit atuutissaaq kukkunersiuisup naatsorsuutunik il.il. kukkunersiuinerani aamma ilassutunik nalunaarusiornerani kiisalu kukkunersiuisup up pernarsaatunik nalunaarusianillu tunniunniussinerani, inatsisliorneq naapertorlugu imaluunniit sulisisisup nammineq taamaallaat atugassarinngisaanut piumasaqaataasunut.

Imm. 3. Inatsimmi matumani taaguummi ”kukkunersiuisoq” pineqarput kukkunersiuisut naalagaaffimmit akuerisat kukkunersiuisullu nalunaarsorneqarsimasut, ersarissumik allatut allassimasoqanngippat.

Kapitali 2

Kukkunersiuisut sulinerat

§ 2. § 1, imm. 2-mi suliasanik pineqartunik kukkunersiuisoq sulinerani inuit tamat sinniiseraat.

Imm. 2. § 1, imm. 2-mi suliasat pineqartut taamaallaat suliarineqassapput kukkunersiuisunit kukkunersiuinermik ingerlatsivinni naalagaaffimmit akuerisani imaluunniit nalunaarsorneqarsimasuni tak. § 12, imm. 1. Suliassat peqqissaarluni, eqqoqqissaartumik qanorlu issusaat apeqqutaalluni sukkasuumik suliarineqassapput, kiisalu kukkunersiuisup ileqqorissaarnissaanut naapertuuttumik.

Imm. 3. Erhvervs- og Selskabsstyrelseni malittarisassanik ersarinnerusunik aalajangersaasinnaavoq kukkunersiuinermi sulianik ingerlatsinernut aamma kukkunersiuisup nalunaaruteqartarneranut.

Kapitali 3

Kukkunersiuisutut naalagaaffimmit akuerisatut taamatullu kukkunersiuisutut nalunaarsorneqarsimasutut ivertitaaneq

§ 3. Kinaluunniit kukkunersiuisutut naalagaaffimmit akuerisatut taamatullu kukkunersiuisutut nalunaarsorneqarsimasutut ivertinneqarsinnaatitaavoq

- 1) nunami maani imaluunniit De Europæiske Fællesskabit imaluunniit EØS-imi isumaqatigiissutaani pilersitsinerit sullissinerillu pillugit malittarisassanut ilaasumi najugalik,
- 2) nammineersinnaassuseqartoq aamma namminersorsinnaanermik inatsit Kunngip peqqussutaatigut Kalaallit Nunaannut atuutilersinneqarsimasoq malillugu allamut nakkutigisassaataanngitsoq,
- 3) akilersuiunnaarnissamik nalunaaruteqarneqanngitsoq aamma akiliisinnaajunnaarsimanngitsoq,
- 4) immikkut ittumik soraarummeernermi angusisimasoq, tak. § 9, imm. 5,
- 5) 18-inik ukioqalernermi kingorna sivikinnerpaamik ukiuni 3-ni ukiumut nalunaarusianik imaluunniit naatsorsuineri nalunaarusiornerni assigisaanik kukkunersiuiernerut tunngasunik suliassanik suliqaqanermut ilaasimasoq, aamma
- 6) § 1, imm. 2-mi suliassat pineqartut sularinerini aningaasatigut piumasaqaalersinnaasunut sillimmasersimasoq.

Imm. 2. Erhvervs- og Selskabsstyrelsi imm. 1, nr. 6-imi sillimmasiineq pineqartoq pillugu malittarisassanik aalajangersaasaaq, tassunga ilaalluni sillimmasiinerup annertussusaa qanorlu ittuussusaa kiisalu piffissamut tunngatillugu sivisussusaa.

Imm. 3. Imm. 1, nr. 5-imi suliassat pineqartut kukkunersiuiernerik ingerlatsivinni naalagaaffimmit akuerisanit imaluunniit nalunaarsorneqarsimasunit sularineqarsimassapput, tak. § 12, imm. 1. Kukkunersiuisutut naalagaaffimmit akuerisatut ivertinneqarneq taamaallaat anguneqarsinnaavoq, suliassat kukkunersiuiernerik ingerlatsivinni naalagaaffimmit akuerisanit sularineqarsimappata.

Imm. 4. Erhvervs- og Selskabsstyrelsi imm. 1, nr. 5-imi piumasaqaatinut atuisitsinngitsoorsinnaavoq.

Imm. 5. Pinerluttulerineri inatsimmi § 114, imm. 2-mi pissutsit taaneqartut atuunnerini ivertitsineq itigartinneqarsinnaavoq. Aammalu ivertitsineq itigartinneqarsinnaavoq, atorfimmi imaluunniit inuussutissarsiummi pineqartoq pissusilersorsimappat, pissutissaqalersitsilluni isumaqassalluni, pineqartoq § 1, imm. 2-mi suliassat pineqartut illersorneqarsinnaasumik sularisinnaassanngikkai. Aammattaq ivertitsineq itigartinneqarsinnaavoq, pineqartoq pisortanut 50.000 kr.-nik sinnerlugilluunniit akilerneqareertussanik akiitsoqarpat.

§ 4. Erhvervs- og Selskabsstyrelsi ivertitsisinnaavoq inunnik, nunami allami ilinniakkamik naammassinnissimanerminnik uppersaateqartunik, § 3, imm. 1, nr. 4 aamma 5, tak. imm. 3-mi ilinniakkamik pineqartumik nallersuunneqarsinnaasumik, aammattaarlu § 3, imm. 1 aamma 3, tak. imm. 5-imi piumasaqaatinik eqquutitsimasunik.

Imm. 2. Aamma Erhvervs- og Selskabsstyrelsi, pissutsit immikkut ittut atuutsillugit, kukkunersiuisut nunami allamiut suliassanik aalajangersimasunik tigusaqarnissaat akuersissutigisinnaavaa, tamatumunnga kukkunersiuisoq nalagaaffimmit akuerisaq imaluunniit nalunaarsorneqarsimasoq inatsisitigut piumasaqataappat. Taamatut akuersissuteqarneq killilerneqarsinnaavoq piumasaqaatitaqarsinnaallunilu.

§ 5. Erhvervs- og Selskabsstyrelsi kukkunersiuisunik naalagaaffimmit akuerisanut aammalu kukkunersiuisunut nalunaarsorneqarsimasunut kiisalu kukkunersiuinermik ingerlatsivinnut pisortatigoortumik nalunaarsuinermik ingerlatsissaaq, tak. § 12, imm. 1. Styrelsi nalunaarsuiffiup ingerlanneqarneranut ersarinnerusumik malittarisassanik aalajangersaasinnaavoq, tassunga ilaalluni tassunga nalunaaruteqartarneq kiisalu taassuma atajuartinneqarnera.

Imm. 2. Erhvervs- og Selskabsstyrelsip aalajangersinnaavaa, kukkunersiuisut suliassanik § 1, imm. 2-mi pineqartunik suliaqarnerminnut atatillugu qarasaasiakkut ilisarnaatit atorlugit atsiortassanersut imaluunniit assigisaanik atsiortassanersut. Styrelsi qarasaasiakkut ilisarnaatit atorlugit atsiornernik tunniussinerit arsaarinnerillu pillugit malittarisassanik ersarinnerusunik aalajangersaasaaq.

Imm. 3. Erhvervs- og Selskabsstyrelsi kukkunersiuisutut ivertitsinerimi akiliutaasartut pillugit malittarisassanik aalajangersaasinnaavoq. Styrelsip aalajangersinnaavaa, akiligassaq kingornatigut akiligassangussanersoq, aamma kingusinaarluni akiliinerimi akileeqqusissutinik allagaqaqqinnermi il.il. akiligassap aalajangersarneqarsinnaanera.

§ 6. Kukkunersiuisutut ivertitsineq atorunnaassaaq

- 1) § 3, imm. 1, nr. 1, 2, 3 imaluunniit 6, tak. imm. 2-mi piunasaqaatit eqquutinneqarunnaarpata,
- 2) kukkunersiuisoq pitsaassutsimut misissuinerit pillugit malittarisassanut malinnikkumangippat, tak. § 14, imm. 1.
- 3) ivertitaaneq atortussaatinneqangippat § 20. imm. 2 malillugu imaluunniit pinerluttulerinermik inatsimmi § 115 malillugu imaluunniit
- 4) § 7 malillugu ivertitaaneq arsaarinnissutaappat.

Imm. 2. Erhvervs-og Selskabsstyrelsimit qinnuigineqarnermigut kukkunersiuisup uppersarsassavaa § 3, imm. 1, nr. 6, tak. imm. 2-mi taaneqartumik sillimmasersimanini. Tamatumunnga uppersarsaat Erhvervs-og Selskabsstyrelsimit tiguneqareersimassaaq kingusinnerpaamik sapaatit akunneri 7-it qinnutigineqarnerata nalunaarutigineqarneraniit. Taama pisoqangippat ivertitsineq atorunnaassaaq.

Imm. 3. Kukkunersiuisutut ivertinneqarneq matumani inatsimmi kap. 11-mi imaluunniit Kalaallit Nunaannut pinerluttulerinermik inatsimmi § 115-imi malittarisassat malillugit atorunnaarsimappat imaluunniit atortussaatinneqangippat, piaartumik Erhvervs-og Selskabsstyrelsimut allagartaq utertineqassaaq. Assigisaanillu § 7 malillugu ivertitaanermut allagartaq arsaarinnissutaasimappat.

Imm. 4. Ivertinneqarnerup atorunnaarneranut imaluunniit arsaarinnissutaaneranut peqqutaasoq atuukkunnaarpat, imaluunniit ullormik killiliunneqarsimasumik qaangiippat imaluunniit ivertitsinerimut arsaarinninneq atorunnaarsinneqarpat, ivertitaaneq qinnuteqaatigineqarneratigut akiliutitaqartinnagulu atuutilerseqqinneqassaaq pineqartumullu tunniunneqarluni.

§ 7. Erhvervs- og Selskabsstyrelsip kukkunersiuisup ivertitaanermut allagartaanik arsaarinnissinnaavoq, taanna pisortanut 100.000 kr.-nik sinnerlugilluunniit akilerneqareertussanik akiitsoqarpat. Ivertitsinerimut allagartaq arsaarinnissutaasinnaavoq, pissutsit iluarsineqarnissaasa tungaanut. Imm. 2 malillugu eqqartuussisunut misiliisitsisinnaanermik taamaaliornissamullu piffissamik killissarititaasumik aalajangiineq imaqaassaaq.

Imm. 2. Imm. 1 naapertorlugu aalajangiineq inummit, aalajangiinerimi tunngaviusumit, eqqartuussivimmut tunniunneqarnissaa piunarsineqarsinnaavoq. Tamanna pillugu piunarsaqaat Erhvervs- og Selskabsstyrelsimit tinguneqareersimassaaq, aalajangiinerup pineqartumut nalunaarutigineqarneraniit kingusinnerpaamik sapaatit akunneri 7-it kingorna. Kalaallit Nunaanni eqqartuussisarnermut inatsimmi malittarisassat malillugit styrelsip pineqartoq suliassiissutigissavaa.

Imm. 3. Suliassanngortitsinermik qinnuteqaat erninnaartumik atuutilernej ajorpoq, kisianni eqqartuussiviup aalajangersinnaavaa, suliap sularineqarnerata nalaani pineqartup § 1, imm. 2-mi suliassanik pineqartunik suliqaarsinnaanera.

Imm. 4. Eqqartuussut suliareqqitassanngortinneqarpat, tassani allagartamik arsaarinninneq inatsisinik avaqqutsinerneqarluni, eqqartuussivik taanna, eqqartuussisuunikoq, imaluunniit eqqartuussivik taanna, suliap tunniuneqarfia, aalajangiisinnaavoq, kukkunersiuusup § 1, imm. 2-mi suliassanik pineqartunik suliassanngortitseqqinnerup sularineqarnerata nalaani suliqaqqusaannginnissaanik.

§ 8. Inuit, kukkunersiuusutut naalagaaffimmit akuerisatut ivertinneqarsimasut, kiisalu kukkunersiuinermik ingerlatsiviit naalagaaffimmit akuerisat, tak. § 12, imm. 1, kisimik taaguummik ”kukkunersiuusup naalagaaffimmit akuerisaq” imaluunniit taakkuninnga oqaaseqatigiinnik akuleriissanik kisimik atuisinnaapput. Assigisaanillu inuit, kukkunersiuusutut nalunaarsorneqarsimasutut ivertinneqarsimasut, kiisalu kukkunersiuinermik ingerlatsiviit nalunaarsorneqarsimasut, tak. § 12, imm. 1, kisimik taaguummik ”kukkunersiuusup nalunaarsorneqarsimasup” imaluunniit taakkuninnga oqaaseqatigiinnik akuleriissanik kisimik atuisinnaapput. Danskil imaluunniit nunat allat taaguutaat, taakkununnga paarlaanneqarsinnaasut atorneqaqqusaanngillat.

Kapitali 4

Revisorkommissionen aamma soraarummeernertut isumalioqatigiissitat

§ 9. Erhvervs- og Selskabsstyrelsi revisorkommissionimik pilersitsissaaq, najoqqutassai styrelsimit aalajangersarneqartussat. Revisorkommissionip styrelsi inatsisinik aqutsinerani ikiussavaa. Kommissioni inuttaqassaaq siulittaasumik 1-imik aamma ilaasortanik 10-nik allanik. Ilaasortat 3-t kukkunersiuusup naalagaaffimmit akuerisat, 2-t kukkunersiuusup nalunaarsorneqarsimasut, 2-t sulianut ilisimasaliussallutik aamma 3-t akileraartarnermi inatsisinut, kingornussisarnermi inatsisinut aamma nunap aningaasaqarneranut sulianut tunngasunik immikkut ilisimasaqartuussapput. Kommissionimut siulittaasoq kukkunersiuusussanngilaq naalagaaffimmit akuerisaq imaluunniit nalunaarsorneqarsimasup.

Imm. 2. Revisorkommissioni kukkunersiuusutut naalagaaffimmit akuerisanut aamma kukkunersiuusutut nalunaarsorneqarsimasutut soraarummeersitsissassaaq. Kukkunersiuusutut naalagaaffimmit akuerisanut soraarummeernertut isumalioqatigiissitamik aamma kukkunersiuusutut nalunaarsorneqarsimasutut soraarummeernertut isumalioqatigiissitamik Revisorkommissioni soraarummeersitsinermi ikiuisussanik pilersitsissaaq.

Imm. 3. Kukkunersiuusutut naalagaaffimmit akuerisanut soraarummeernertut isumalioqatigiissitaq inuttaqassaaq kukkunersiuusutut naalagaaffimmit akuerisanit 3-nik aamma ilaasortanik 5-inik imaluunniit amerlanernik, kukkunersiuusunngitsut naalagaaffimmit akuerisat imaluunniit nalunaarsorneqarsimasut. Soraarummeernertut isumalioqatigiissitami siulittaasoq Revisorkommissionimut ilaasortaassaaq qinerneqassallunilu ilaasortanik kukkunersiuusunngitsunit naalagaaffimmit akuerisanit.

Imm. 4. Kukkunersiuusutut nalunaarsorneqarsimasutut soraarummeernertut isumalioqatigiissitaq inuttaqassaaq kukkunersiuusutut nalunaarsorneqarsimasutut 3-nik aamma ilaasortanik 5-inik imaluunniit amerlanernik, kukkunersiuusunngitsut nalunaarsorneqarsimasut. Ilaasortat kukkunersiuusunngitsut tamatigit kukkunersiuusutut amerlanerusassapput. Soraarummeernertut isumalioqatigiissitami siulittaasoq Revisorkommissionimut ilaasortaassaaq qinerneqassallunilu ilaasortanik kukkunersiuusunngitsunit nalunaarsorneqarsimasunit.

Imm. 5. Erhvervs- og Selskabsstyrelsi kukkunersiuisunut naalagaaffimmut akuerisanut aamma kukkunersiuisunut nalunaarsorneqarsimasunut soraarummeernermit aalajangersakkanik ersarinnerusunik aalajangersaasaaq, tak. § 3, imm. 1, nr. 4, tassunga ilaalluni soraarummeernermit innersuuneqarnissamut piumasaaqaatit, soraarummeernermit piumasaaqaatit, soraarummeernerup ingerlanneqarnera aamma nalilerneqarnera.

Kapitali 5

Kukkunersiuisup piffissaq suliffigisassaa aamma nalunaarusiortarnissaa

§ 10. Inatsisiliornermi imaluunniit ingerlatsiviup malittarisassiaani allatut allassimasoqanngippat imaluunniit allatut isumaqatigiittoqarsimanngippat, kukkunersiuisoq kukkunersiuisutut sulissaaq, kukkunersiuisup nutaap allap atorfinnissaata tungaanut. Kukkunersiuisorli qaqugukkulluunniit suliffimminit soraarsinnaavoq, soraarneq kukkunersiuisut ileqqorissaarnissaanut akerliunngippat. Kukkunersiuisoq soraarpat, kukkunersiuisunngortoq kukkunersiuisumut soraalersumut saaffiginnaasaaq, soraarnerminut pequtaasunik paasisutissiinissaminut pisussaaffeqartumut.

Imm. 2. Kukkunersiuiinermik ingerlatsiviit, ingerlatsivinni 3. – 5. pkt-imi pineqartunik kukkunersiuisartut, qulakkiissavaat, kukkunersiuisoq imaluunniit kukkunersiuisut, kukkunersiuisimanermit uppersaasamut atsiortut, piffissami sivikinnerpaamik ukiuni 2-ni sivisunerpaamillu ukiut 7-it kingorna, suliamut toqqarneqarnerminniit taarserneqarnissaat. Erhvervs- og Selskabsstyrelsi aalajangersinnaavaa taanna 1. pkt-imi taarsiineq pineqartoq piffissap sivikinnerusunut ingerlareernerani pinissaa. Ingerlatsiviit tulluuttut aalajangersakkami pineqarput, piumasarisasut eqquutsissinnaajunnaarnissaasa tungaannut: Ingerlatsiviit niueqatigiittarfinni nalunaarsorneqarsimasut, aktieselsskabit naalagaaffiup pigisai, ingerlatsiviit Finanstilsynimit nakkutigineqarnissamut malinnittut, kiisalu ingerlatsiviit, ukiut naatsorsuusiorfiit tulleriiginnaat marluk piumasarisasunik tulluuttunik marlunnik imaluunniit arlalinnik eqquutitsisut:

- 1) Sulisoqartoq inunnik 2.500-inik,
- 2) naatsorsuutaasa inaernerisa inernerat 5 mia. kr. imaluunniit
- 3) ilanngaatissat ilanngaatigereerlugit 5 mia. kr-nik kaaviaartitaqartoq.

Imm. 3. Inatsisiliornermi imaluunniit ingerlatsiviup malittarisassiaani aalajangerneqarsimappat kukkunersiuisunik arlalinnik qinersineqassasoq, kukkunersiuisut taakku kukkunersiuiinermik ingerlatsivimmit ataatsimit pisuussanngillat.

Imm. 4. Kukkunersiuisup kukkunersiukkani naammassigaangamiuk, kukkunersiuisup kukkunersiukkat kukkunersiorneqarsimanermit uppersaasassavai, kukkunersiuiinerup naammassineqarsimanerani taassumunngalu naliliisimanermit uppersaasaaq. Ingerlatsivinni, ukiumut naatsorsuutiminnik il.il. kukkunersiuisitsisartuni, kukkunersiuisoq aamma kukkunersiuiinermut allattaavinnik suliaqassaaq. Kukkunersiuisoq allattaavinni kukkunersiuiinermi suliat annertussusaannik suussusaanillu tassungalugu naliliinermik nalunaarusiussaaq.

Imm. 5. Kukkunersiuisoq § 1, imm. 2-mi suliasanik pineqartunik suliaqarnermini paasisaqaruni, ingerlatsiviup pisortaanut ilaasoq/-sut ataaseq arlallilluunniit suliasaminnik suliaqarnerminnut atatillugu aningaasarsiornikkut pinerluttuliortut imaluunniit pinerluttuliorsimasut, aamma kukkunersiuisoq peqqutissaqaruni isumaqassalluni, pinerluttuliorneq aningaasanut annertuunut tungasoq imaluunniit peqqarniitsuliornerusoq, kukkunersiuisup ingerlaannaq pisortanut ilaasortat tamaviisa tamatuminna ilisimatissavai. Ilisimatitsineq kukkunersiuiinermi allattaavinnut allanneqassaaq, kukkunersiuisup taamaattut ingerlassimappagi. Tamatuma kingorna kingusinnerpaamik ullut 14-it kingorna pisortat pinerluttuliornermit pisumut iliussaminnik pisariaqartunik iliuseqarnerminnut aamma pinerluttuliorsimanerup kingunerisimasai ajoqusiinerit aqqinniernerinut uppersaateqanngippata, taava kukkunersiuisup ingerlaanneq Statsadvokaten

for Særlige Økonomiske Kriminalitet ilisimatissavaa taakku aningaasarsiornikkut pinerluttuliornerussangatinneqartut pillugit. 1. – 3.pkt. atuutissanngilaq pissutsinut, aningaasanik unioqqutitsinikkut pissarsianik inatsisinut naapertuuttunngorsaasarneq pitsaaliorniarlugu iliuusissat pillugit Kunngip peqqussutaatigut Kalaallit Nunaannut atuutilersinneqartumi pineqartunut.

Imm. 6. Kukkuersiuisoq isumaqaruni, pinerluttuliornerit ingerlanneqaqqinnginnissaanut aqutsinermut ilaasortanut ilisimatitsineq naleqquttuunngitsoq, kukkuersiuisup ingerlaannaq Statsadvokaten for Særlige Økonomiske Kriminalitet ilisimatissavaa taakku aningaasarsiornikkut pinerluttuliorneruneqartut pillugit. Assigaa, ingerlatsivimmi aqutsisuni amerlanerit aningaasatigut pinerlunnermut akuuppata imaluunniit ilisimasaqarpata.

Imm. 7. Kukkuersiuisoq soraaruni, tak. imm. 1, aamma tamanna pissuteqarpat, kukkuersiuisup peqqutissaqarluni ilisimasunneranut atasumik, imm. 5, i. pkt.-imi pineqartutut pisoqarneranut, taava kukkuersiuisup piaartumik Statsadvokaten for Særlige Økonomiske Kriminalitet tamanna pillugu ilisimatissavaa kiisalu soraarnerminut peqqutigisaminik.

Kapitali 6

Kukkuersiuisup pituttorsimannngissusaa

§ 11. Revisori § 1, imm. 2-mi pineqartunik suliassanik suliaqaqqusaanngilaq, pingajuusutut inissisimasup paasissutissanik peqarluartup kukkuersiuisup pituttorsimannginneranik qulalersinneqarnissaanut naleqquttunik pissutissaqartoqarpat.

Imm. 2. Pissutsinik imm. 1-imi taaneqartunik peqartuaannarpoq:

- 1) Kukkuersiuisoq imaluunniit kukkuersiuinermik ingerlatsivimmi inuk alla, suliamut attuumassuteqartoq imaluunniit taassuma suliarineqarneranut nakkutilliisoq, inunnut, aalajangersimasumik suliassanut aqutsinermut tunngasunut imaluunniit aningaasarsiornikkut attaveqaqatigiinnermut akisussaafeqartunut qanigisamik ilaqutariinnerit aqutugalugit atassuteqarpat, uppernarsaanerminik tunniunnissamik kissaateqartumut, imaluunniit uppernarsaanermit peqqutaataasumut. Atassuteqarnerit taamaattut atuupput katissimalluni aappariinnermi, aalajangersimasumik aapparisaatut inooqateqarnermi, qitornavissiatut imaluunniit paarsaatut ilaqutariinnermi aamma kinguaariinni ataasiusuni toqqaannartumik ningaanikkulluunniit ilaqutariinnermi qanittuni ilanngullugit angajoqqaatut meeqqatullu imaluunniit qatanngutigittut.
- 2) Katissimallugu aapparisaq, aalajangersimasumik aapparisaq, angajoqqaat imaluunniit qitornat kukkuersiuisumut imaluunniit kukkuersiuinermik ingerlatsivimmi inuit allat, suliamut attuumassuteqartut imaluunniit taassuma suliarineqarneranut nakkutilliisut, attaveqarnikkut ingerlatsivimmut tassunga inuup uppernarsaanerminik tunniussinissaanut kissaateqarnissaminnut aningaasatigut annikigisassaannngitsunik soqutigisaqartuuppata.
- 3) Kukkuersiuisoq imaluunniit kukkuersiuinermik ingerlatsivimmi inuk alla, suliamut attuumassuteqartoq imaluunniit taassuma suliarineqarneranut nakkutilliisoq, ingerlatsivimmi tassani sulisuusoq imaluunniit ukiuni kingullerni 2-ni sulisuusimasoq imaluunniit aqutsisuni ilaasimasoq imaluunniit suliat arlaanni sorlermiluunniit aalajangiisartoq imaluunniit aalajangiisarnikoq, inuup taassuma uppernarsaanerminik tunniussinissaanut kissaateqarnissaminut attaveqarnikkut pissutissaqarpat.
- 4) Kukkuersiuinermik ingerlatsivik, kukkuersiuisoq imaluunniit kukkuersiuinermik ingerlatsivimmi inuk alla, suliamut attuumassuteqartoq imaluunniit taassuma suliarineqarneranut nakkutilliisoq, ingerlatsivimmut tassunga arlaatigut toqqaannartumik imaluunniit toqqaannangikkaluamik aningaasaqarnerup tungaatigut soqutigisaqartoq,

uppernarsaanerup tunniunneqarnissaanut kissaateqarnissaminut attaveqarnikkut pissutissaqarpat.

- 5) Kukkunersiuiinermik ingerlatsivik, kukkunersiuisoq imaluunniit kukkunersiuiinermik ingerlatsivimmi inuk alla, suliamut attuumassuteqartoq imaluunniit taassuma suliarineqarneranut nakkutilliisoq, aamma ingerlatsivimmut tassunga atassuteqartoq, uppernarsaaffigissallugu kissaateqarfigisaasoq, aningaasarnikkut attaveqarnera nalinginnaasumik niuernermit tunngasutigut atuutinngippat aammalu sunnuteqartuunngippat. Pissutsilli qanoq ikkaluarpataluunniit ilaqtutanut qanigisanut tunngasunut kukkunersiuiineq inertequtaajuaannarpoq.
- 6) Ingerlatsivik, uppernarsaaffigissallugu kissaateqarfigisaq, imaluunniit kukkunersiuisikkusutaq, kukkunersiuiinermik ingerlatsivimmut arlaatigut toqqaannartumik imaluunniit toqqaannangikkaluamik aningaasaqarnerup tungaatigut soqutigisaqarpat, kukkunersiuisup attavigisaanut.
- 7) Ingerlatsivik, uppernarsaaffigissallugu kissaateqarfigisaq, imaluunniit kukkunersiuisikkusutaq imaluunniit ingerlatsiviup taassuma aqutsinermi ilaasortai imaluunniit sulisui kukkunersiuiinermik ingerlatsiviup siulersuisuinut ilaasortanik imaluunniit kukkunersiuiinermik ingerlatsiviup piginnittuani pingaarnermi siulersuisunut toqqaanissaminut piginnaatitaaffeqarpat.
- 8) Uppernarsaanermit attuumassuteqarpoq ingerlatsivik § 10, 2, 3. – 5. pkt.-imi pineqartoq, aamma kukkunersiuiinermik ingerlatsivimmi kukkunersiuisoq imaluunnuut inuk alla
 - a) kukkunersiuiinermi ileqqorissaarnissamik piumasqaatit saniatigut, naatsorsuusiornermut imaluunniit assipajaavinik nalunaarsuinermit ilaasimasoq, uppernarsaammik tunniussinermi tunngaviusut, imaluunniit allagartap uppernarsaammut tunngasup suliarineqarnerani ilaasimasoq, imaluunniit
 - b) ukiut 2-t kingulliit iluanni ingerlatsivimmi aningaasalersuinermit qitiusumik sullivinni aamma aqutsinermi aqutsisutut sullivinni sulisussanik pissarsiornermit atorfirmut qinnuteqartut allattorsimaffiannik suliaqartarnikoq imaluunniit taamatut periutsini atorfirmut qinnuteqartulerinermi ilaasarsimasoq.

Imm. 3. Pissutsit imm. 1-imi taaneqartut imm. 2-mi pissutsini taaneqartuuniinnermi saniatigut ilaatigut makkuusinnaapput:

- 1) Kukkunersiuisoq imaluunniit kukkunersiuiinermik ingerlatsivimmi inuk alla, suliamut attuumassuteqartoq imaluunniit taassuma suliarineqarneranut nakkutilliisoq, ingerlatsivimmut, uppernarsaammik tunniussivigerusutami, ukiut kingulliit 2-t iluanni suliaassanik allanik suliaqartarsimanermini suliap qanoq issusaanut, kukkunersiuisup uppernarsaammik tunniussinermi suliap pingaartortaani nammineq imaluunniit inuit allat taaneqartut suliaannik oqaaseqartariaqalerpat.
- 2) Kukkunersiuisoq imaluunniit kukkunersiuiinermik ingerlatsivimmi inuk alla, suliamut attuumassuteqartoq imaluunniit taassuma suliarineqarneranut nakkutilliisoq, ingerlatsivimmut, inatsisinut tunngasutigut isumaqatigiinngissuteqartoqartillugu avammut saqqummertartuusimappat imaluunniit ukiut kingulliit 2-t iluanni illua tungiliunermi ingerlatsivimmit imaluunniit sullitamut aallartitatut saqqummertartuusimappat, uppernarsaammik tunniussivigerusutamut.
- 3) Inuk alla imm. 2-mi imaluunniit nr. 1 aamma 2-mi taaneqanngitsoq, toqqaannartumik imaluunniit toqqaannangikkaluamik kukkunersiuiinermik ingerlatsivimmut, uppernarsaanermik tunniussiffimmut atassuteqartoq, ukiut kingulliit 2-t iluanni ingerlatsivimmik taassuminnga atassuteqartarsimasoq, uppernarsaaffigerusutamut, atassuteqarneq imaassimalluni, kukkunersiuisoq uppernarsaammik tunniussissagaluarpat unitsitsuussalluni, kukkunersiuisoq nammineq assinganik atassuteqarsimagaluarpat.

Imm. 4. Kukkuersiuiinermik ingerlatsiviit najoqqutassaliussapput qulakkeerisunik, kukkuersiuisoq, § 1, imm. 2 naapertorlugu suliassanik tigusaqaraangami, isummeqqaartassasoq, pissutsini, pineqartup qilersorsimanninneranik qulalersitsisinnaasunik peqqutissaqarnersoq.

Kapitali 7

Kukkuersiuiinermik ingerlatsiviit

§ 12. Suliassat, kukkuersiuisut § 1, imm. 2 naapertorlugu suliaat, taamaallaat suliarineqarsinnaapput inuup ataatsip ingerlatsiviani, soqutigisaqatigiilluni piginneqatigiiffinni, aktienik piginneqatigiiffinni, piginneqatigiiffinni imaluunniit kommanditaktieselskabini (partnerselskabit), pitsaassutsimik misissuineq pillugu malittarisassanut tunniusimasuni, tak. kap. 9, aammattalu imm. 2- 4-mi piumasaaqatinik eqqutitsisuusuni. Ingerlatsiviit taamaattut kukkuersiuiinermik ingerlatsivittut naalagaaffimmit akuerisatut nalunaarsorneqarsimasutullu taaguuteqarput.

Imm. 2. Kukkuersiuiiffinni soqutigisaqatigiilluni piginneqatigiiffiusuni piginneqataassutit aamma taasinerit piukkunnarnerit pigineqassapput kukkuersiuisunit naalagaaffimmit akuerisanit imaluunniit kukkuersiuiinermik ingerlatsivinnit naalagaaffimmit akuerisanit kukkuersiuisunillu nalunaarsorneqarsimasunit imaluunniit kukkuersiuiinermik ingerlatsivinnit nalunaarsorneqarsimasunit. Soqutigisaqatigiilluni ingerlatsivimmi piginneqataassutit sinneri taasisinnaatitaassutillu 1. pkt-imi soqutigisaqartutut taaneqanngitsunit pigineqarsinnaapput tamarmik immikkut annerpaamik 5 %-it. Taamatulli killiliineq atuutinngilaq

- 1) inunnt, suliaat pingaernerit soqutigisaqatigiiffittut ingerlatsivimmiittunut, kiisalu
- 2) kukkuersiuisunut, naatsorsuutinin inatsisini pisussaaffiit malillugit kukkuersiuisussaanermut inuit piginnaatitaaffilerneqartarnerat pillugu Rådet-ip malitassiaasa arfineq pingajuat 10. april 1984-imeersoq (84/253/EØF), tak. ilanngussaq 1, naapertorlugu akuerineqarsimasunut.

Imm. 3. Kukkuersiuisarfinni aktienik piginneqatigiilluni ingerlanneqartuni, kukkuersiuisarfinni piginneqatigiiffittut ingerlanneqartuni aamma revisionskommandit-aktieselskabini (revisionspartnerselskabini) ingerlatsivimmut aktiet, piginneqataassutit imaluunniit aningaasaliissutit pingaernerit kukkuersiuisunit naalagaaffimmit akuerisanit imaluunniit kukkuersiuiinermik ingerlatsivinnit naalagaaffimmit akuerisanit kukkuersiuisunillu nalunaarsorneqarsimasunit imaluunniit kukkuersiuiinermik ingerlatsivinnit nalunaarsorneqarsimasunit pigineqassapput, taamatullu ingerlatsivimmi taasisinnaatitaassutinin amerlanernut oqaasissaqartuussallutik. Kukkuersiuiinermik ingerlatsivimmi aningaasaleeqataassutit sinneri taasisinnaatitaassutillu 1. pkt-imi inunnt aamma ingerlatsivinnit taaneqanngitsunit pigineqarsinnaapput tamarmik immikkut annerpaamik 5 %-imik. Taamatulli killiliineq atuutinngilaq

- 1) inunnt, suliaat pingaarit kukkuersiuisarfinni ingerlatseqatigiiffinniittunut,
- 2) kukkuernersiuiinermik ingerlatsivimmi pineqartumi sulisut peqatigiiffiit, kukkuernersiuiinermik ingerlatsiviup aqutsisuusut qilersorsimannngitsunut aamma taamaallaat kukkuernersiuiinermik ingerlatsivimmi aktienik imaluunniit piginneqataassutinin peqartunit kiisalu taamaallaat pigineqartut inunnt nr. 1-imi ilaasortatut taaneqartunit,
- 3) inunnt, sulisunut aqqissuusinerimut atatillugu aktienik imaluunniit piginneqataassutinin pinikunut, kiisalu
- 4) kukkuernersiuisunut, naatsorsuutinin inatsisini pisussaaffiit malillugit kukkuernersiuisussaanermut inuit piginnaatitaaffilerneqartarnerat pillugu Rådet-ip malitassiaasa arfineq pingajuat 10. april 1984-imeersoq (84/253/EØF), tak. ilanngussaq 1, naapertorlugu akuerineqarsimasunut.

Imm. 4. Imm. 3-mi kukkunersiuinermik ingerlatsivinni taaneqartuni siulersuisuni ilaasortat amerlanerussuteqartut kukkunersiuissuussapput naalagaaffimmit akuerisat kukkunersiuissullu nalunaarsorneqarsimasut. Kukkunersiuinermik ingerlatsivik piginneqatigiilluni ingerlanneqartoq siulersuisoqanngippat, aqutsisoqarfiani ilaasortat kukkunersiuissuussapput naalagaaffimmit akuerisat kukkunersiuissullu nalunaarsorneqarsimasut. Revisionskommandit-aktieselskabini (revisionspartnerselskabini) pigisatik tamakkerlugit aningaasaliinikkut piginneqataasut pingaarnernik pillit kukkunersiuissunit naalagaaffimmit akuerisaninngaanneersut imaluunniit kukkunersiuinermik ingerlatsivinnit naalagaaffimmit akuerisaninngaanneersut kukkunersiuissunillu nalunaarsorneqarsimasuninngaanneersut imaluunniit kukkunersiuinermik ingerlatsivinnit nalunaarsorneqarsimasuninngaanneersut.

Imm. 5. Erhvervs- og Selskabsstyrelsen akuersissuteqarsinnaavoq imm. 2, 2. pkt-imi aamma imm. 3, 2. pkt-imi killilersuutit taaneqartut avaqqunneqarnissaannut. Akuersissuteqarnermi piffissaq killiligaasinnaavoq piunasaqaatitaqarsinnaallunilu.

Imm. 6. Aktiet inuttaanut tunniuneqartassapput pappiaraassanatillu kaaviiartinneqarsinnaasut. Kinaluunniit aktiemik imaluunniit piginneqataassummik pissarsisoq pissarsinerminiit kingusinnerpaamik sapaatit akunneri 2-t kingorna ingerlatsivimmu ilanngunnerminik nalunaaruteqassaaq. Aktiet piginneqataassutilluunniit tunineqassapput kingusinnerpaamik sapaatit akunneri 8-t, piginnittuunerup imm. 3-mut naleqqukkunnaarnerata kingorna. Aktiet piginneqataassutilluunniit piffissaagallartillugu tuniuneqanngippata, ingerlatsiviup piaartumik aktiet piginneqataassutilluunniit pinngitsaaliissummik aningaasanngortissavai. Pinngitsaaliissummik aningaasanngortitsinermi aktienik ingerlatseqatigiiffinnut inatsit Kunnigip peqqussutaatigut Kalaallit Nunaannut attuutilersinneqartumi malittarisassat atuupput assigisaanillu §§ 20 b aamma 20 c atuupput, apeqqutaatinnagu aktienik piginneqataassutinilluunniit pinngitsaaliissummik aningaasanngortitsisoqarsimanersoq.

Imm. 7. Erhvervs- og Selskabsstyrelsen kukkunersiuinermik ingerlatsiviit piginneqatigiiffittut iluseqartillugit aamma soqutigisaqatigiiffittut iluseqartillugit ingerlannissaat pillugu malittarisassanik ersarinnerusunik aalajangersaasinnaavoq, tassunga ilaalluni kukkunersiuinermik ingerlatsivimmi piginnittunut tunngassuteqartut tamanut saqqummiunneqartarnerannut tunngasut, kukkunersiuinermik ingerlatsivimmi aktienut piginneqataassutinulluunniit taasinissamut piginnaatitaaffiit atornerarannut tunngasut, kukkunersiuinermik ingerlatsivimmi aktionæríp, piginneqataasup imaluunniit soqutisaqataasup toqunerani imaluunniit ivertitaanerminik toqqorsinerani aktiemik, piginneqataassummik imaluunniit soqutigisaqataasutut piginneqataassummik tunisinernut tunngasut kiisalu kukkunersiuinermik ingerlatsivimmi atsiornernut tunngasut.

Imm. 8. Imm. 1-imi aalajangersagaq apeqqutaatinnagu kukkunersiuissut nalunaarsorneqarsimasut landøkonomiske foreningit siunnersuisarfiini, Dansk Landbrugip imaluunniit Dansk Erhvervsgartnerforeningip ataani inissisimasuni imaluunniit attaveqartuni, atorfeqartut § 1, imm. 2-mi suliasat pineqartut suliarisinnaavaat. Kukkunersiuissut nalunaarsorneqarsimasut taamaattut taamaallaat suliasat pineqartut inunnut inatsisitigut akisussaasunut suliarisinnaavaat, nunalerinermik ingerlatsisuusut, aamma siunnersuisarfiup ukiumi naatsorsuiffiusumi 5 %-imit annertunerunngitsumik piginneqataassutsiminit kaaviiartitaqarfigisaani.

Imm. 9. Kukkunersiuissut nalunaarsorneqarsimasut, imm. 8-mi siunnersuisarfinni taaneqartuni atorfeqartut, taamaallaat suliasat § 1, imm. 2-mi pineqartut suliarisinnaavaat allaffinni taakkunani aamma kukkunersiuinermik ingerlatsivimmi piginneqataassutinik peqaqqusaanngillat, tak. imm. 1.

Kapitali 8

Akissarsiaq

§ 13. Kukkuersiuiinermik ingerlatsivik, tak. § 12, imm. 1, ukiut naatsorsuiffiit tulleriit 3-t ingerlaneranni kaaviiartitami 20 %-iinit annerusumik kiffartuutami ataatsimit pissarsiaqassanngilaq. Erhvervs- og Selskabsstyrelsen, pissutsinik immikkut ittoqarpat tassannga avaqqutsisitsinnaavoq.

Imm. 2. Kukkuersiuisoq suliassanik § 1, imm. 2-mi pineqartunik suliaqartilluni piunasaqassanngilaq

- 1) suliaminut annerusumik akissarsinissamik, naleqquttutut naatsorsuussamit annerusumik, imaluunniit
- 2) akissarsiamik, suliarisamit allaanerusumut pissutsit allat apeqquataatilerlugit akilerneqarnissaanik imaluunniit annertussusilerlugit.

Imm. 3. Imm. 2-mi aalajangersagaq aamma atuuppoq sullissinerni allani akissarsianut, kukkuersiuiinermik ingerlatsivimmi kukkuersiuisoq imaluunniit inuk alla, suliamut atassuteqartut imaluunniit taassuma suliarineqarneranut nakkutilliisoq, peqatigisaanik suliassiisup taassuma suliassaataanut § 1, imm. 2-mi pineqartunut nakkutilliippat imaluunniit atassuteqarpat.

Kapitali 9

Kukkuersiuisunik nakkutilliineq (Revisortilsyn)

§ 14. Kukkuersiuiinermik ingerlatsiviit, tak. § 12, imm. 1, aamma taakkunani kukkuersiuisut suliffeqartut pisussaaffeqarput kapitalimi matumani malittarisassat naaportorlugit pitsaassutsimut misissuinermut tunniusimasuunissamat. Assinganik atuuppoq ingerlatsivinnut § 12, imm. 8-mi taaneqartunut, kukkuersiuisut nalunaarsorneqarsimasunik sulisoqartunut.

Imm. 2. Pitsaassutsimik misissuinermi ilaassapput suliassanut atatillugu, kukkuersiuisup § 1, imm. 2 naaportorlugu suliaqarnera pituttorsimanninneralu.

Imm. 3. Pitsaassutsimik misissuisoqartassaaq sivisunerpaamik ukiunik 4-nik akuttussusilimmik. Revisortilsynelli, tak. § 15, pissutsini aalajangersimasuni aalajangersinnaavaa, pitsaassutsimik misissuinerup nutarterneqarnissaata tullissaanut, ukiut 6-it angullugit akuttussuseqarsinnaanera.

Imm. 4. Kukkuersiuiinermik ingerlatsivik, pitsaassutsimik misissuiffiqineqartussaq, pitsaassutsimik misissuisumut periarfissiissaaq misissugassanut, misissorniarlugit pisariaqartitaanut isersinnaanissaanut, aamma nakkutigissavaa, pitsaassutsimik missuisup paasissutissat ikiorneqarnissarlu, missuisup pitsaassutsimik misissuinerminik naammassinninnissaminut pisariaqartittutut isigisani pinnerai. Kukkuersiuisoq kukkuersiuiinermik ingerlatsivimmut atassuteqartoq assigisaanik misissuisumut pisussaaffeqarpoq.

§ 15. Erhvervs- og Selskabsstyrelsen revisortilsynimik pilersitsissaaq tilsynimullu suleriaasissamik maleruagassiorluni. Revisortilsyni inuttaqassaaq siulittaasoq ataaseq kiisalu ilaasortat allat 8-t. Ilaasortat 2-t kukkuersiuisuusapput naalagaaffimmit akuerisat, 2-t kukkuersiuisuusapput nalunaarsorneqarsimasut aamma 4-t naatsorsuutinik atuisartuninngaanniissapput. Siulersuisoq imaluunniit naatsorsuutinik atuisartut kukkuersiuisut naalagaaffimmit akuerisat imaluunniit nalunaarsorneqarsimasut peqatigalugit kukkuersiuiinermik ingerlatsivimmi atorfeqassanngillat imaluunniit ingerlatsisuusannngillat.

Imm. 2. Revisortilsynip siulittaasua ilaasortallu Erhvervs- og Selskabsstyrelsenimit toqqarneqassapput piffissamat ukiut 4-t angullugit atasussanngorlugit.

Imm. 3. Revisortilsynip qulakkiissavaa § 14, imm. 1 aamma 2-mi pitsaassutsimik misissuinerup pineqartup inatsimmi malittarisassat naaportorlugit ingerlanneqarnera. Erhvervs- og Selskabsstyrelsen Revisortilsynimit innersuussineratigut malittarisassaliussaaq ersarinnerusunik

pitsaassutsimut misissuinerup suliarineqartussamut, kiisalu misissuinerup ingerlanneqarnissaanut. Aamma tassunga ilanngullugu misissuinerup suliarineqarneranut akiliutissaq pillugu malittarisassanik aalajangersaasoqarsinnaavoq.

Imm. 4. Pitsaassutsimik misissuinerup suliarineqarneranut imm. 3-mi malittarisassat pineqartut ilaatigut imaqaassapput najoqqutassanik

- 1) kina pitsaassutsimik misissuinerup suliaqarsinnaanersoq,
- 2) pitsaassutsimik misissuisartunik toqqaanermut, tak. § 16,
- 3) pitsaassutsimik misissuisussamik kukkunersiuinerup ingerlatsivimmik toqqaanermut kiisalu
- 4) pitsaassutsimik misissuinerup annertussusissaanik.

§ 16. Revisortilsynip inuit ukiunut tallimanut sivisussusilikkamik pitsaassutsimik misissuinerup suliaqartussat akuersissutigissavai, tak. § 15, imm. 4, nr. 1. Inuit taakkut taaguutigissavaat pitsaassutsimik misissuisartut (kvalitetskontrollanter). Tilsynip pitsaassutsimik misissuisartut allattorsimaffiat ingerlatissavaa.

Imm. 2. Pitsaassutsimik misissuisartut pitsaassutsimik misissugartik tamanna pillugu malittarisassat atulersinneqarsimasut naapertorlugit suliarissavaat, tak. § 15, imm. 3 aamma 4.

Imm. 3. Pitsaassutsimik misissuinerup kingorna pitsaassutsimik misissuisartut uppersaasaasiussaaq, Revisortilsynimut nassiunneqartussamik. Uppersaasaat imaqaassaaq misissugarisimasap allaaserineranik, qanoq ittuuneranik annertussusaanillu kiisalu misissuinerup inernerata nalilerneranik. Revisortilsynip aamma aalajangersinnaavaa, uppersaasaanerup kukkunersiuinerup peqatigiiffimmuut naleqquttumut nassiunneqarnissaa, suliamik ilisimasaqartumut oqaaseqaateqarfigineqarnissaa siunertaralugu.

Imm. 4. Revisortilsynip piimarsinnaavai, misissuiffigineqarsimasumi kukkuneqarnerup, amigaateqarnerup imaluunniit pitsanngorsaaffisaqarnerup pillugu paasissutissat tilsynip isummernissaminut pisariaqartitai. Pisariaqartutut nalilerneqarpat tilsyni, nammineerluni misissuilluni pulaarnerup ilaasinnaavoq.

Imm. 5. Revisortilsynip isummerfigissavaa, uppersaasaammik, misissuiffigineqartumi kukkunermik imaluunniit amigaammik nassaarsimanermik nalunaartoqarsimappat, nassatarissaneraa

- 1) assuarliuteqarneq tulliani pisarnertut misissuilluni pulaartoqarnissaata tungaanut annertunerusumik kinguneqartinneqanngitsaq,
- 2) assuarliuteqarneq misissuilluni pulaarnerup, paasiniarlugu assuarliutigineqarsimasut iliuuseqarfigineqarsimanersut, imaluunniit
- 3) Disciplinærnevnumut anngussineq, tak. kapitali 11.

Imm. 6. Revisortilsyni ukiumoortumik tilsynip suliai pillugit nassuiaammik saqqummersitsisassaaq.

§ 17. Revisortilsynimi ilaasortat, pitsaassutsimik misissuisartut kiisalu allat, pitsaassutsimik misissuinerup ilanngunneqartut, tutsuiginassuseq pillugu malittarisassanut, kukkunersiuinerup atuuttunut, tunniusimasuussapput, tak. § 11.

Imm. 2. Inuit imm. 1-imi pineqartut aamma pinerluttulerinerup inatsimmi § 29 malillugu akisussaaffeqartut inuup imaluunniit inatsisitigut akisussaasup aningaasaqarnikkut, inuussutissarsiutinut tunngasutigut imaluunniit inuinnartut inuunerminut atugai pillugit paasissutissat, suliaminnut atatillugu misissuinerup inatsimmi ilisimalikkatik nipiangiulluinnartussaavaat.

Imm. 3. Pinerluttulerinerup inatsimmi § 29-imi aalajangersakkat apequtaatinnagit kukkunersiuinerup paasissutissat pitsaassutsimik misissuisartumut aamma Revisortilsynimut ingerlateqqissinnaavai. Assinganillu pitsaassutsimik misissuisartup paasissutissat Revisortilsynimut ingerlateqqissinnaavai.

Kapitali 10

Naammagittaalliorsinnaaneq

§ 18. Aalajangiinerit inatsit naapertorlugu imaluunniit najoqqutassat inatsit malillugu atulersinneqarsimasut Erhvervs- og Selskabsstyrelsimiit aalajangerneqartut Erhvervsankenævne- nemut tunniunneqarsinnaapput, aalajangiinerup pineqartumut nalunaarutigineqarneraniit kingusinnerpaamik sapaatit akunneri 7-it kingorna.

Imm. 2. Aalajangiinerilli Revisorkommissionimit aamma Revisortilsynimit aalajangerneqartut aqutsisunut qulliunerusunut tunniunneqarsinnaanngillat.

Kapitali 11

Ileqqorissaarnissamut ataatsimiititaliaq

§ 19. Foreningen af Statsautoriserede Revisorer aamma Foreningen Registrede Revisorer FRR ataatsimoorlutik ileqqorissaarnissamut ataatsimiititaliussapput, suleriaasissaalu Erhvervs- og Selskabsstyrelsimiit suliarineqassaaq. Disciplinærnevnet (Ileqqorissaarnissamut ataatsimiititaliaq) inuttaqassaaq siulittaasooq ataaseq, eqqartuussisuusaaq, ikinnerpaamillu ilaasortat allat 12-it, taakkunaannga 3-t kukkunersiuisuusapput naalagaaffimmit akuerisat, 3-t kukkunersiuisuusapput nalunaarsorneqarsimasut aamma 6-it naatsorsuutileriner- mi atuisartunut sinniisuussapput. Ilaasortat amerlineqarpata kukkunersiuisut naalagaaffimmit akuerisat, kukkunersiuisut nalunaarsorneqarsimasut aamma naatsorsuutileriner- mi atuisartunut sinniisut amerlaqatigiisillugit toqqarneqassapput. Nævnip siulittaasua ilaasorta- alu Erhvervs- og Selskabsstyrelsimiit toqqarneqassapput, aamma assigisaanik eqqartuussisumik ataatsimik arlalinnilluunniit siulittaasup tullianik toqqaasinnaasut. Siulittaasooqarfik ilaasortallu piffissami ukiut 4-t angullugit sivisussuseqartumik toqqarneqartassapput.

Imm. 2. Disciplinærnevni- p, kukkunersiuisunut naalagaaffimmit akuerisanut tunngasumik suliamik suliaqarnerani, siulittaasup siulittaasulluunniit tulliata saniatigut ikinnerpaamik kukkunersiuisooq naalagaaffimmit akuerisaaq 1 aamma naatsorsuuseriner- mi atuisartut sinnissaat 1 ilaasapput. Nævnip, kukkunersiuisunut nalunaarsorneqarsimasunut tunngasumik suliamik suliaqarnerani, siulittaasup siulittaasulluunniit tulliata saniatigut ikinnerpaamik kukkunersiuisooq naalagaaffimmit akuerisaaq 1 aamma naatsorsuutileriner- mi atuisartut sinnissaat 1 ilaasapput. Ilaasortat amerlanerusut ilaappata, kukkunersiuisut naatsorsuutileriner- milu atuisartut sinniisaat amerlaqatigiisapput. Suliani, piginnaatitaaffiup arsaarinnissutaasinnaaneta ilanngunneqarsinnaaffiani, tak. § 20, imm. 2, siulittaasup saniatigut tamatigut kukkunersiuisut naalagaaffimmik akuerisat taamatullu nalunaarsorneqarsimasut ikinnerpaamik 2-t ilaasapput aamma naatsorsuutileriner- mi atuisartut sinniisaat taama amerlatigisut.

Imm. 3. Naammagittaalliuutit, kukkunersiuisup § 1, imm. 2 naapertorlugu suliasaminik suliaqarnermini, atorfimmi nassatarisaanik pisussaaffimminik qaangiinnaasimaneranut tunngasut, Disciplinærnevni- mut anngunneqarsinnaapput. Naammagittaalliuutit, kukkunersiuisup akissarsiaanut tunngasut kiisalu sulianut suleqatinut tunngasut Disciplinærnevni- mut anngunneqarsinnaanngillat. Disciplinærnevni- p naammagittaalliuutit suliarissavai apeqquaatinnagu naammagittaalliuutigineqarsimasut Foreningen af Statsautoriserede Revisorer-inut imaluunniit Foreningen Registrede Revisorer-inut FRR ilaasortaanersut.

Imm. 4. Kukkunersiui- nermik ingerlatsivik, tak. § 12, imm. 1, Revisortilsynimit Disciplinærnevni- mut anngunneqarsinnaavoq, ingerlatsivik pituttorsimannginnissamut

najoqqutassanik inissitserisimangippat, tak. § 11, imm. 4, imaluunniit aamma pitsaassutsimik misissuinerup suliarineranut atatillugu kukkunernik imaluunniit amigaatinik ingerlatsivimmi nassaartoqarsimappat, Revisortilsynip isumaa malillugu suliap nævni mut anngunneqarnissaanik pisariaqalersitsisumik.

Imm. 5. Disciplinærnævni imaluunniit siulittaasup naammagittaalliuutinik suliat itigartissinnaavaat inunninngaanneersut, naammagittaalliummut tunngatillugu inatsisinut tunngassuteqanngitsut, kiisalu naammagittaalliuutit, takuneqarsinnaareersut tunngavissaqanngitsut. Naammagittaalliuut Erhvervs- og Selskabsstyrelsimi, Finanstilsynimi, Kalaallit Nunaanni Naalakkersuisunit, Skatteministerimi, anklagemyndighedenimi, Foreningen af Statsautoriserede Revisorer-init, Foreningen Registrede Revisorer-init FRR imaluunniit Revisortilsynimi anngunneqarpata naammagittaalliuut Disciplinærnævni suliarissavaa.

Imm. 6. Erhvervs- og Selskabsstyrelsi malittarisassanik aalajangersaasinnaavoq, naammagittaalliorq Disciplinærnævni mut naammagittaalliummik suliaqartitsinerminut akiliuteqartassanersoq.

§ 20. Kukkunersuisoq, § 1, imm. 2 naapertorlugu suliassaminik suliaqarnermini, atorfimmi nassatarisaanik pisussaaffimminik, inatsimmi maleqquneqartunik qaangiinnaasimasoq, Disciplinærnævni mianersoqqussummik tunineqarsinnaavoq imaluunniit akiligassamik 300.000 kr.-t sinnernagit annertussuseqartumik akiliisussanngortinneqarsinnaalluni. Akiligassaq naalagaaffiup karsianut tuttussa.

Imm. 2. Kukkunersuisoq suliame ingerlannerani ingasattumik imaluunniit akulikitsumik ilaginnaasarsimanerminut pisuutinneqarpata aamma pissutsit saqqummiunneqartut tunngavissaqalersitsippata isumaqassalluni, pineqartup ingerlatsivik illersorneqarsinnaasumik ingerlassinnaassanngikkaa, Disciplinærnævni pineqartup inatsimmi pisussaaffiit malillugit kukkunersuisinnaanissaanik killiliivigisinnaavaa imaluunniit piffissami qaammatini 6-iniit ukiunut 5-minut sivisussuseqartumik ivertinneqarneranik arsaarallarlugu. Aalajangiineq imaqaasaaq § 22 malillugu eqqartuussivinnut misiliisitsiniarsinnaatitaaneq taamaaliornissamullu piffissat killissarititit pillugit paasissutissanik.

Imm. 3. Disciplinærnævni illua tungeriinnik killisiuineq Nunatta Eqqartuussiviani suliarineqartissinnaavaa.

Imm. 4. Kukkunersuinermik ingerlatsivik, kukkunersuisup pineqartup pigisaa imaluunniit atorfeqarfia, immi akisussaaffigisuppat, tak. § 19, imm. 4, imaluunniit kukkunersuisup pisussaaffiit, tak. imm. 1, qaangiinaanermut akisussaaqataappat, kukkunersuinermik ingerlatsivik mianersoqqussummik tunineqarsinnaavoq imaluunniit akiligassamik akiliisussanngortinneqarsinnaalluni, naalagaaffiup karsianut tuttussamik, 750.000 kr.-t qaangernagit. Kukkunersuinermik ingerlatsivik akisussaaqataappat, ingerlatsivik taamaallaat 1. pkt.-imi pillaatit pineqartut malillugit pisussaaffileqarsinnaavoq, ingerlatsivik Disciplinærnævni mut naammagittaalliuutit suliassat illua tungitit ilanngunneqarsimappat.

Imm. 5. Disciplinærnævni siulittaasua suliani annertunerusuni aamma paasiuminaannerusuni nævni sinnerlugu suliamut ilisimasalimmik toqqaasinnaavoq suliame saqqummiisussamik aamma killisiisussamik. Suliamut ilisimasalimmut aningaasartuutit suliani kukkunersuisunut naalagaaffimmi akuerisanut tunngasuni Foreningen af Statsautoriserede Revisorer-init akilerneqassappat aamma suliani kukkunersuisunut nalunaarsorneqarsimasunut tunngasuni Foreningen Registrede Revisorer-init FRR akilerneqassappat. Suliaq pisortaqarfimmi tunniunneqarsimappat, aningaasartuutit oqartussaqaarfimmi pineqartumit akilerneqassappat.

Imm. 6. Disciplinærnævni aalajangersinnaavaa, aalajangiineq tamanut saqqummiunneqassasoq.

§ 21. Disciplinærnævni aalajangiineri oqartussanut qulliunerusunut allanut annunneqarsinnaanngillat.

Imm. 2. Akiliisitsissutit § 20, imm. 1 aamma 4 naapertorlugu akiligassanngortitat pigisanik akilerneqarsinnaanngortinneqarsinnaapput.

§ 22. § 20, imm. 2 malillugu aalajangiineq inummit, aalajangiinermi tunngaviusumit, Østre Landsretimut tunniunneqarnissaa piumasaqaatigineqarsinnaavoq.

Imm. 2. Imm. 1 naapertorlugu piumasaqarneq Erhvervs- og Selskabsstyrelsimit tiguneqareersimassaaq aalajangiinerup pineqartumut nalunaarutigineqarneraniit kingusinnerpaamik sapaatit akunneri 7-it kingorna. Erhvervs- og Selskabsstyrelsip pineqartoq eqqartuussivimmut suliassanngortissavaa Kalaallit Nunaanni eqqartuussiveqarnermut inatsimmi malittarisassat malillugit.

Imm. 3. Suliassiisuteqarnissamik piumasaqarneq erniinaartumik atuutilissaaq, eqqartuussiviulli aalajangiinermigut aalajangersinnaavaa, pineqartoq suliap suliarineqarnerata nalaani kukkunersiuisutut naalagaaffimmit akuerisatut assigisaanillu nalunaarsorneqarsimasutut suliaminik ingerlatsissanngitsoq. Nævni eqqartuussinermik aalajangiinera eqqortuutinneqarpat, tassuuna aalajangerneqarsinnaavoq, suliassanngorteqqinneqarnera erniinaartumik atuutilissanngitsoq.

§ 23. Disciplinærnævni qinnuteqartoqarnerata kingorna qaqugukkulluunniit § 20, imm. 2 naapertorlugu arsaarinnissimaneq atorunnaarsissinnaavaa. Tamanna pisimappat, aamma nævni arsaarinninnerup atorunnaarsinneqarnissaaq qinnuteqaat itigartippagu, pineqartup aalajangiinerup Østre Landsretimi misilinneqarnissaa piumasaqaatigisinnaavaa, arsaarinninnermiit ukiut 5-mit ingerlareersimappata aamma ivertinneqarsimanerup peqqinnissaa eqqartuussinikkut itigartinneqarneranit minnerpaamik ukiut 2-t kingorna. Assinganik atuupput § 20, imm. 2, 2. pkt., aamma § 22, imm. 2.

§ 24. Disciplinærnævni suliap tunniunnissaata pisoqaavallaalernissaanut killissarititaavoq ukiut 5-mit naatsorsorneqartut ullormit, pisussaaffinnut akerliusumik iliuuseqarnerup imaluunniit iliuuseqanngitsoornerup atorunnaarneraniit.

Imm. 2. Suliap pisoqaavallaalernissaanut killissarititaq unitsinneqartarpoq naammagittaalliummik Disciplinærnævni tunniussinermi.

§ 25. (Kalaallit Nunaannut atuutilersinneqanngilaq).

Kapitali 12

Nipangiussisussaatitaaneq pillugu aalajangersakkat

§ 26. Kukkunersiuisunut pinerluttulerinermik inatsimmi §§ 27-30 assinganik atuuppoq. Sulisunut taakkununga tunngatillugu inatsimmi tassani §§ 27-29-ii assinganik atuupput.

Kapitali 13

Pineqaatissiissutit

§ 27. § 6, imm. 3, § 8, § 10, imm. 2 aamma 5-7, § 11, § 12, imm. 1-4, 6, 8 aamma 9, aamma § 13-imik unioqqutitsineq akiliisitsissutaassaaq, inatsisit allat malillugit sukanganerusumik pillaatissiissutigineqanngikkunik.

Imm. 2. Peqqussutini, Erhvervs- og Selskabsstyrelsimit inatsit naapertorlugu atulersinneqartuni, aalajangersarneqarsinnaavoq peqqussutit aalajangersagartaannik unioqutitsineq akiliisitaanermik pineqaatissiissutaasinnaassanersoq.

Imm. 3. Unioqutitsineq ingerlatseqatigiiffimmit il.il. pilarineqarpat (taakku sinnerlugit inatsisitigut piginnaatitat), ingerlatseqatigiiffik il.il. taamaatillugu pinerluttulerinermik inatsit malillugu pineqaatissinneqassaaq.

Imm. 4. Kukkuersiuisoq, § 1, imm. 2 naapertorlugu suliassanik suliaqartilluni eqqunngitsunik allakkatigut uppernarsaasimasoq imaluunniit allakkatigut nalunnginnittuunerarsimasoq, pineqartoq tamakkununga ilisimasaqanngikkaluarluni, imaluunniit naatsorsuutini kukkuersiuisimanermut uppernarsaasiilluni atsiorsimasoq, namminerminit kukkuersiorneqarsimannngitsunik, tamanna kukkuersiuiunerup uppernarsaataani allanneqarsimanani, akiliisitaasussanngorlugu pillarneqassaaq imaluunniit qaammatit 4-t angullugit parnaarussassanngorlugu, inatsisit ilai malillugit sakkortunerusumik pillaatissinneqarsimanngippat. Assinganik atuuppoq kukkuersiuisoq, kukkuersiuiinermik ingerlatsivimmut atassuteqarani, tak. § 12, imm. 1, suliaqartoq suliassanik § 1, imm. 2-mi pineqartunik.

Kapitali 14

Piffissaliussat

§ 28. Piffissaliussat, matumani inatsimmi imaluunniit inatsit naapertorlugu aalajangerneqarsimasut, piffissarisaat aallartittarpoq ullormit tassannga, pisup piffissamik aallartitsisup pinerata aqaguaniit. Tamanna atuuppoq ullunut sapaatit akunnerinut qaammatinut ukiunullu piffissaliussat naatsorsornerini.

Imm. 2. Piffissaliussaq sapaatip akunneratut nalunaarneqarsimappat, piffissaliunneqartoq atorunnaassaaq, tak. imm. 1, sapaatip akunnerata ulluani, ullormi pisup piffissamik aallartitsisup piffigisaani.

Imm. 3. Piffissaliussaq qaammammik nalunaarneqarsimappat, piffissaliunneqartoq atorunnaassaaq, tak. imm. 1, qaammatip ulluani, ullormi pisup piffissamik aallartitsisup piffigisaani. Ulloq taanna, pisup piffissamik aallartitsisup pinera, qaammatip ulluisa kingullersarippassuk, imaluunniit piffissaliussaq qaangiuppap qaammatip ulluani, qaammatip ulluinut ilaanngitsumi, piffissaliussaq qaangiuttissaaq qaammatip ulluisa kingullersaanni, qaammatip takissusaa apeqqutaatinnagu.

Imm. 4. Piffissaliussaq ukiutut nalunaarneqarsimappat, piffissaliunneqartoq atorunnaassaaq, tak. imm. 1, ukiumi ulloq taanna, ullormi pisup piffissamik aallartitsisup piffigisaani.

Imm. 5. Piffissaliussaq sapaatip akunnerata naanerani imaluunniit ullormi nalliuttumi, inatsisitaarfimmi, juullimi imaluunniit ukiut nikinnerini atorunnaarpat, piffissaliussaq ulluinnarmut siullermut sivitsorneqassaaq.

Kapitali 15

Pitsaassutsimut misissuineranut ileqqorissaarnissamillu ataqatigiimmik aaqqissuusineranut aningaasalersuineq

§ 29. Erhvervs- og Selskabsstyrelsip aalajangersinnaavaa, pitsaassutsimut misissuinerup aamma ileqqorissaarnissamut ataqatigiimmik aaqqissuusinerup aningaasalersorneqarnera pissasoq kukkuersiuisut ivertinneqarsimasut tamaasa, kukkuersiuiinermik ingerlatsivimmut atasut, akiliummik akiliisinnerisigut, tak. § 12, imm. 1.

Imm. 2. Taakku imm. 1-imi akiliutit pineqartut pigisanut akiliutissanngortinneqartunut tapiliunneqarsinnaapput.

Kapitali 16

Atuutilersitsinermut ikaarsaariarnermullu aalajangersakkat il.il.

§ 30. Peqqussut atuutilerpoq ulloq 1. august 2008.

Imm. 2. § 10, imm. 2-mi ukiunut arfineq marlunnut piffissaq ingerlatsivimmi kukkunersuiiffigineqarsimasumi nalinginnaasumik ataatsimeersuarnermi siullermiit kisinneqarluni aallartinneqassaaq.

Imm. 3. Peqqussutip atuutilerneranut peqatigitillugu atorunnaarsinneqassapput kukkunersuiusut naalagaaffimmit akuerisat pillugit inatsisip Kalaallit Nunaannut atuutilerneranik peqqussut nr. 846, 13. november 1995-imeersoq aamma kukkunersuiusut nalunaarsorneqarsimasut pillugit inatsisip Kalaallit Nunaannut atuutilerneranik peqqussut nr. 847, 13. november 1995-imeersoq.

Imm. 4. Suliani, Disciplinærnevnet for Statsautoriserede Revisorer imaluunniit Disciplinærnevnet for Registrede Revisorer kukkunersuiusut naalagaaffimmit akuerisat pillugit peqqussutip Kalaallit Nunaannut atuutilerneranik inatsisunik aamma kukkunersuiusut nalunaarsorneqarsimasut pillugit peqqussutip Kalaallit Nunaannut atuutilerneranik inatsisunik unioqqutitsinernik suliaqarnissaminnut maannamut piginnaasaqaraluartut, peqqussutip atuutilerpera sioqqullugu unioqqutinneqartut pillugit unioqqutitsinerit, manna tikillugu malittarisassat atuuttut malillugit aalajangiiffigineqassapput. Suliat, peqqussutip atuutilerpera sioqqullugu Disciplinærnevnet for Statsautoriserede Revisorerinut imaluunniit Disciplinærnevnet for Registrede Revisorerinut tunniunneqartut, naammassillugit suliarineqassapput Disciplinærnevnet for Statsautoriserede og Registrede Revisorerinut pilersinneqarsimasumi inatsimmi § 19 naapertorlugu.

§§ 31 aamma 32. (Kalaallit Nunaannut atuutilersinneqanngillat).

§ 33. (Ilanngunneqanngilaq).

Tunniunneqarpoq Christiansborg Slotimi, ulloq 23. juni 2008

MARGRETHE R.

/Bendt Bendtsen

1) § 33 inatsit nr. 302, 30. april 2003-meersumiippoq aalajangersagaq tulliuuttoq: ” § 33. Inatsit Savalimmiunut aamma Kalaallit Nunaannut atuutinngilaq, kisianni Kunngip peqqussusineratigut Kalaallit Nunaannut atuutilersinneqarsinnaavoq, nunami pissutsit immikkut ittut pisariaqartitaannik allaanerussuteqartillugu.”

2) § 5, imm. 2, inatsit nr. 245, 27. marts 2006-meersumiippoq aalajangersagaq tulliuuttoq: “ *Imm. 2.* §§ 2 aamma 3 Savalimmiunut aamma Kalaallit Nunaannut atuutinngilaq, kisianni Kunngip peqqussusineratigut Kalaallit Nunaannut atuutilersinneqarsinnaavoq, nunami pissutsit immikkut ittut pisariaqartitaannik allaanerussuteqartillugu.”

3) § 110, imm. 3, inatsit nr. 538, 8. juni 2006-meersumiippoq aalajangersagaq tulliuuttoq: “ *Imm. 3.* Inatsimmi §§ 25, 29, 46, 54 aamma 79 tamarmiulluni imaluunniit ilaannakuulluni Kunngip peqqussusineratigut Kalaallit Nunaannut atuutilersinneqarsinnaavoq, nunami pissutsit immikkut ittut pisariaqartitaannik allaanerussuteqartillugu.”